



საზოგადოება

პედაგოგთა პროფკავშირი იმედოვნებს, რომ განათლების სამინისტროსთან მათი ურთიერთობები სამართლებრივად მოწესრიგდება

18:39 01-12-2010

პედაგოგთა პროფკავშირი იმედოვნებს, რომ განათლების სამინისტროსთან მათი ურთიერთობები სამართლებრივად მოწესრიგდება, - ამის შესახებ პედაგოგთა და მეცნიერთა თავისუფალი პროფკავშირის მიერ დღეს გავრცელებულ განცხადებაშია ნათქვამი .

პროფკავშირი განათლების სამინისტროს გადაწყვეტილებას ეხმაურება, რომელიც საჯარო სკოლების ადმინისტრაციებისა და პროფკავშირის სამართლებრივ ურთიერთობას ეხება. კერძოდ, სკოლებს დაევალოთ, კანონმდებლობასთან შესაბამისობაში მოიყვანონ საწევრო გადასახადების გადარიცხვებთან დაკავშირებით არსებული პრაქტიკა.

პედაგოგთა პროფკავშირი ეთანხმება სამინისტროს განცხადებას, რომ პროფესიულ კავშირში გაწევრიანება არის საქართველოს ყველა მოქალაქის კონსტიტუციით აღიარებული უფლება, თითოეული მასწავლებელი დამოუკიდებელია ამ უფლების გამოყენებაში და საკუთარი ნების საფუძველზე იღებს გადაწყვეტილებას პროფესიულ კავშირში გაერთიანების შესახებ. მათივე განცხადებით, საწევროს გადარიცხვა უნდა მოხდეს პროფკავშირის წევრი პედაგოგის პირადი წერილობითი განცხადებისა და ადმინისტრაციასთან გაფორმებული ხელშეკრულების საფუძველზე.

განათლების სამინისტროსა და დარგობრივ პროფკავშირის შორის ურთიერთობების გამწვავება პროფკავშირის საწევრო ანარიცხების მიუღებლობამ განაპირობა. პროფკავშირის მაშინდელი ხელმძღვანელი მანანა ღურჭუმელიძე განათლების სამინისტროს სკოლებიდან პედაგოგთა საწევრო ანარიცხების დაბლოკვაში ადანაშაულებდა.

მასალის გამოყენების პირობები